

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 22.12.2017թ. թիվ 1707354923 որոշման հիմքում դրված փաստական հանգամանքների դեմ բերված գանգատն առանց բավարարման թողնելու մասին, իսկ 22.12.2017թ. թիվ 1707354926 որոշումը բեկանելու և վարչական վարույթը կարճելու մասին

<<25>> 01 2018թ. 17-4-1065-18/18-4-552 ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Կարեն Բաբախանյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Կատովսկու փողոցի 9/3 տան բնակիչ Կարեն Բաբախանյանը դիմումով հայտնել է, որ TOYOTA մակնիշի 318 AG 61 հաշվառման համարանիշի ավտոմոբիլը վարել է ինքը և խնդրել վերանայել տվյալ ժամանակահատվածում կատարված երթևեկության կանոնների խախտման համար կայացված 22.12.2017թ. թիվ 1707354923 և 1707354926 որոշումները՝ նշելով, որ համաձայն չէ իրավախախտումների հետ:


<<Վարչական իրավախախտումների վերաբերյալ>> ՀՀ օրենսգրքի 286-րդ հոդվածի 1-ին մասի համաձայն Կարեն Բաբախանյանը ճանաչվել է որպես խախտումները կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման հետևյալ պատճառաբանությամբ.

<<Վարչարարության հիմունքների և վարչական վարույթի մասին>> ՀՀ օրենքի 43-րդ հոդվածի 1-ին մասի <<Բ>> կետի համաձայն՝ անձի եւ վարչական մարմնի փոխհարաբերություններում ապացուցման պարտականությունը կրում է վարչական մարմինը՝ անձի համար ոչ բարենպաստ փաստական հանգամանքների առկայության դեպքում:

2017թ. դեկտեմբերի 16-ին Երևան քաղաքի Արշակունյաց պողոտայում տեղադրված արագաչափի սարքերն արձանագրել են դիմումատուին պատկանող տրանսպորտային միջոցի կողմից երթևեկության սահմանված արագության գերազանցումներ նույն ժամին՝ 02⁴¹-ին, ինչը վրիպակի արդյունք է, քանի որ այդ երկու տեխնիկական սարքերի առջև միաժամանակ հայտնվելն անհավանական է:

Ելնելով վերոգրյալից, ղեկավարվելով Վարչարարության հիմունքների և վարչական վարույթի մասին ՀՀ օրենքի 63-րդ հոդվածի 1-ին մասի <<ա>> կետով, Վարչական իրավախախտումների վերաբերյալ 286-րդ հոդվածի 1-ին մասով և 293-րդ հոդվածի 1-ին մասի 1-ին և 3-րդ կետերով՝



Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 22.12.2017թ. թիվ 1707354926 որոշումը բեկանել և վարչական իրավախախտման վերաբերյալ գործը կարճել:

2. Կարեն Բաբախանյանի՝ Ճանապարհային ոստիկանության 22.12.2017թ. թիվ 1707354923 որոշման հիմքում դրված փաստական հանգամանքների դեմ բերած զանգատը թողնել առանց բավարարման:

3. Հանձնարարել ՏՄՀԽԱ կենտրոնին՝ Կարեն Բաբախանյանի անվամբ կայացնել նոր վարչական ակտեր:

4. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

5. Սույն որոշման օրինակն ուղարկել Կարեն Բաբախանյանին և ՏՄՀԽԱ կենտրոն:

Կատարող Դ.Բալասանյան



Ե. Կարապետյան

